



Nuuk, d. 27. maj 2015

Inatsisartut suleriaasiat § 37 najoqqutaralugu Naalakkersuisunut apeqquteqaat:
(Inatsisartunut ilaasortaq Juliane Henningsen, Inuit Ataqatigiit)

Apeqqut:

- 1) Sullissinermut takussutissianik katersanik (katalog) peqqinnisaqarfiup sulissinerinut aammalu immikkut katsorsariaaseqartariaqartuni pigisaqarpa, kiisalu minnerunngitsumik katsorsaariaatsit immikkoortut suut katsorsaaniissamillu neqeroorutit qanoq ittut neqeroorutigineqarsinnaappat nappaatinut ilisimaneqartunut ajuutinullu tunngasuni?
- 2) Taamaattoqarpat tamanut ammasuuva?
- 3) Kalaallit Nunaani nappaatillit qassit maannarpiaq "Tør AMD"-imik aammalu "Våd ADM"-imik naappaatillit suussusersineqarsimappat, tamatumi utoqqaliartorneq aallaavigalugu isip qinnguata ameraasaani inorsaleriartorneq (maculadegeneration)?
- 4) Utoqqaliartornerit aallavigalugit inuiaqatigiinni inuiaqatigiit agguataarnerisa ineriartornerinut sanilliullugit qanoq takussaaleriartulertigissava?
- 5) Peqqinnisaqarfiup " Tør og Våd AMD"-inik katsorsaanermini sumut killippa, aammalu qanoq iliornikkut Naalakkersuisut pineqartup nappaatip katsorsarneqarnissaani siuarsaniarpat?
- 6) Misissuisitsinermik ataatsimiitit (Visitationsnævnet) qaammammoortumik nalinginnaasunik ataatsimiittarpat, Namminersorlutik Oqartussat nalunaarusiaanni nr. 31 ulloq 1. december 2006-imeersoq Peqqinnisaqarfiup misissuisitsinermik ataatsimiitit (visitationsnævn) pillugu aalajangersakkat najoqqutaralugit?
- 7) Peqqinnissamut Naalakkersuisup Misissuisitsinermik ataatsimiitit sulinerni ingerlatsinerni ukiumoortumik nalunaarusiani qanoq atortarpai?
- 8) Namminersorlutik Oqartussat nalunaarusiaat § 1, nr. 31, ulloq 1. december 2006-imeersoq innersuusutigalugu Peqqinnisaqarfiup misissuisitsinernik ataatsimiitit pillugit paasisutissat tulluuttut qanimut paasisutissiissutigineqarsinnaanerlutik:
- 9) Napparsimasunik katsorsaanerit sallinneqarneri politikikkut isummersornerit aallaavigineqarpat?
- 10) Misissuisitsinerit pillugit malittarisassanik suliaqarnerit misissuinernilu Kalaallit Nunaani Kalaallit Nunaatalu avataani allanngutsaaliuinerit qanoq ingerlanneqarpat?
- 11) Qanga Naalakkersuisoq, Naalakkersuisut aammalu Inatsisartut ataatsimoortumik nappaatinik aammalu peqqinnisaqarfiup sullisisinnaanerisa allattorsimaffiinik ataatsimoortumik suliaqarnerni aalajangersimasumik peqataatinneqarpat?

Tunngavilersuut:

Napparsimasut ilaanit saaffiginnissuteqartoqarpoq, Kalaallit Nunaani innuttaasut Kalaallit Nunaani peqqinnisaqarfiup akiligaanik napparsimasuusut katsorsarneqarsinnaanngimmata, nappaatit ilai Kalaallit Nunaani peqqinnisaqarfimmit katsorsarneqarnissaani akuersissuteqarfigineqarsimannngimmata. Aqqutissatuaalerporlu akissaateqartuusunit napparsimaveqarfinni Danmark-imiittuni namminersortuni inuttut ataasiakkaatut katsorsartinnissamik inuttut nammineq akiliiluni katsorsartinnissaq. Katsorsarteriaaseq aningaasarpasuarunik naleqarpoq ilaqtariinnut ataasiakkaanut

aningaasarpassuarnik nalilik, peqqinnissaqarfiullu suliassaqarfianiittutut isigineqartariaqarluni.

Apeqquteqaatit taamaammat siuliani taaneqartut ingerlateqqippakka paasitineqarumagama politikikikut aalajangiiffigineqarsimansoq nappaatit peqqinnissaqarfiup innuttaasunut sullissisinnaassusaaneri tullerijaaarneqarneri pillugit isummersornerit ilisimasaqarfiginerulerusullugit ilisimatinneqarnissaq kissaatigigakku.